

scriptor, cuius nomen instar totius laudis est !

Hoc autem unum locorum monitum volumus, nunquam nos a Gottwicensi codice transversum vni- gnum discessisse, nisi quoad ordinem, quo ibi Epistole Augustinianae exhibentur. Illic enim ordine prepostero prima secundum locum, et vicissim se- cunda primum obtinet. Nos vero potissimum tempus, quo confecte sunt, atténdentes, utriusque propriam se- dū restituimus.

Seiscitabitur forsitan aliquis, quod qualeve sit mo- nasterium e cuius tabulario Epistole Augustini in pe- rennem Reipublicam Christianam gloriam emiserunt : quæ hanc in rem tribus abhinc mensibus a supra lau- dato larissimo viro Bernardo Pez acceperint, de verbo ad verbum exscribam.

Monasterium Gottwicense est longe amplissimum ac in Germania celeberrimum, situm ad dexteram Da- rubii, sex circiter milliaribus supra Vindobonam, in ultissimo sed amoenissimo monte. Vid. Annales Mabil- lioni sacer. xi, quo a S. Almanno episcopo Patavieci fundatum et amplissime dotatum fuit. Cum anno circi- ter decimo septimo hujus saeculi in cineres abiisset, a

Reverendissimo Domino Godefrido Besselio, qui nec maxima cum laude tam realitate disciplina regularis, quam rednitæ doctrinae ac eruditioris fama præstet, adeo feliciter instauratum est, ut nulli Ordinis nostri in Europa monasterio quidquam de splendore, amplitudine ac elegantiæ concedat. Germanice vocatur Gottwrig, medio aeo Gottwic, vel monasterium S. Marie in Gottwic, nonnunquam Gottwic. Ita pasim codices Mus. in bibliotheca Gottwicensi, quam nox laudatus D. Abbas bonis litteris ita locupletavit, ut in Germania nullam monasticam bibliothecam noverim, quæ ei com- parari mereatur. Plura de hoc loco brevi accipies ex Chronicis Gottwicensis tomo II. Nam Tomus I, qui e prelo jam emersit, ea duntataz que rem antiquariam ac præcipue diplomaticam spectant, complectitur. Illoc primo tomo nihil magnificentius, augustius, ac erudi- tius hactenus in Germania excusum scio, eoque nulla Gallæ bibliotheca paulo melior carere poterit. Ejus au- tor est idem reverendissimus D. Abbas Godefridus, cu- jus etiam sumptibus hoc luculentissimum opus typis comendatum est.

ADMONITIO EJUSDEM

IN EPISTOLAM CLXXXIV BIS.

Petrus et Abraham, quibus isthac Epistola inscripta est, haud dubie erant monachi; id enim D. Augustinus sub sermonis initium satis innuit. Sic eos inquietus instituisse vitam quæ Deo seruirent, ut sibi ad legendum vacaret. Petrus autem, nisi valde fallor, ipsissimus est, de quo sic habet Cassiodorus, de Institut. divin. Litt., cap. 8: Petrus Abbas Tripolitana provinciæ, sancti Pauli Epistolas exemplis opuscularum beati Augustini subnotasse narratur, ut per os alienum sui cordis delectaret arcanum: quæ ita locis singulis competenter aptavit, ut hoc magis studio beati Augustini credas esse perfectum: mirum est enim sic alterum ex altero diluci- dassse, ut nulla verborum suorum adjectione permixta, desiderium cordis proprii complesse videatur. Istud opus hactenus ineditum, exstat Venetiis in bibliotheca Sancti Marci, cum hoc titulo: *Commentarius in Pauli Epistolas ex Libris Augustini*, Petro Tripolitano adscri- pus; quod, inquit Cl. Mabillonius, non facile asse- ruerim. Ut ut sit hac de re, in dubium tamen revocari

non potest, vere ne Epistola ista Augustini sit, cum ejus mentionem faciat Possidius in Indiculo.

Illam ineunte anno circiter 417. scriptam esse auto manius, quia infra cap. 2, num. 5, decimum quartum librum de Civitate Dei in manibus habere, dum eam scribit, testatur S. Augustinus: porro hunc ipsum librum laudat cap. 14 libri 1 contra adversarium Legis et Prophetarum, aedeoque incipiente anno 420. Certum est enim tunc temporis libros contra adversarium Le- gis prodiisse: paulo ante igitur prodicerat decimus quartus liber de Civitate Dei. Cum autem per integrum annum 418, initiumque anni subsequentis infinitis propemodum negotiis distractum fuiisse Augustinum compertum habeamus; vix credibile est ea tempestate illum ultimam manum libro 14 de Civitate Dei impa- nere potuisse; ac proinde superest ut id peregerit ver- tente anno 417, atque ut pubescente eodem anno has litteras conlecerit.

ADMONITIO EJUSDEM

IN EPISTOLAM CCI BIS.

Dum anno 418 et quidem mense septembri, ut patet ex actis cum Emerito, Augustinus Cesaream profes- sus in supradicto oppido remoraretur, quo eum in- juncta sibi a venerabili papa Zozimo, Apostolicæ sedis episcopo, ecclesiastica necessitas traxerat (Epistol. 190, n. 4), perlatae sunt litteræ Optati quibus significabat angeli se circa animæ originem; utrum ea per propagatio- nem ex anima a Deo creata, atque Adamo induita descenderet, anve singulis hominibus singulis de novo Deus crearet, nosse cupiens. Attamen in ultimam hanc opinionem, uti videtur, concesserat (Ibid., cap. 4, n. 13 et 14); deque eodem argumento quod- dam ediderat opusculum, necnon litteras ad amicos quosdam suos familiarissimos destinatas; quæ cum perlatae essent Cesareanæ, ipsi Augustino illic adhuc versanti traditæ sunt a famulo Dei, cui nomen Renato; qui sanctum Doctorem tantopere ad respondendum instigavit, ut hoc recusare, quoniam rebus aliis tunc occupatus, nequaquam posset (Ibid., cap. 1, n. 4). Videatur quoque in epistola sua optata se ipsem Optatus de sancti Doctoris sententia super ea re certior fieri (Ibid., cap. 6, n. 26). Augustinum præterea ad id induxit Murcensis quidam Optati necessarius, qui tunc Cesaream veniens, se quoque super eodem ar- gumento litteras ab Optato accepisse dicebat; roga- batque Augustinum, ut quid ea de re sentiret, vel

voce, vel scripto sibi aperiret, quo illud posset Optato significare (Ibid., cap. 4, n. 1). Dedit itaque litteras ad ipsum Optatum sanctus Doctor, Cesarea, quod satis declarans ille voces cum in eodem oppido remorare- ntar, jam profectus. De proposita autem difficultate illi rescripsit, non habere se quod certo statuat, propter argumenta quæ in utramque partem faciebant: id tan- tummodo cavendum es: ne quis hacce quæstiōne abutens, de peccato originali, quod constans et catho- licum dogma est, vellet ambigere; atque ita Pelagii Coelestijque novam heresim imprudens admitteret, quam recenti memoria damnarunt Concilia et Romanæ antistites Innocentius ac Zozimus; quorum epistolas, saltem postremi hujus, ne scire ad Optatum nequid pervenissent, simul mittebat. Non contentus fuit pro- cul dubio hac responsive idem Optatus; illi siquidem Augustinus præterea duas Epistolas, quæ temporum injuria intercidere, super eodem argumento misit. Laudat Flügintius (De veritate prædest., lib. 3, cap. 18) eruditiorum atque ingenii vim eam, qua cum in hisce tribus epistolis, tum in aliis quibusdam suis ope- ribus, quæstiōnem illam sanctus Doctor excusserat: sed ejusdem imprimis modestiam prædicat, utpote quæ euia deterruit, ne de re perteque gravi et ab- sisura quidquam decerneret. Cujus quæstiōnis, ait, profunditatem sibi imperscrutabilē cernens, nullam vo-

huius rei definitam proferre sententiam; incongruum prorsus existimans aliquid affirmare sine dubitatione velle, quod alter posset contraria responsione convellere (Vita S. Augustini, lib. 7, cap. 13, n. 5).

Hac forsitan fusi, ast certe quam brevissime potuisse referre visum est: quia inde perspicue evincitur Epistolam sequentem secundam earum esse, quas Optatus episcopo de animarum origine ab Augustino datae fuisse afferunt, plurisque faciunt Possidius ac Fulgentius: cum eo tamen discrimine, ut Possidius quidem duas (*In Indiculo*), Fulgentius (*Ubi supra*) vero tres ad Optatum epistolas adscribat. Utri fides habenda sit, penes lectorem esto iudicium: certe spectati illi scriptorum Augustinianorum editores, Tilmontius quoque, aliqui eruditissimi viri Fulgentium sequuntur. Id nūm hac in parte annotare opere pretium est; videlicet Possidium recensendo epistolas ad Optatum directas, ipsas aduersus Priscillianistas scriptas esse diserte docere.

Hanc autem epistolam vel labente anno 419, vel potius inunte 420, exarata esse arbitramur; Augustinus enim, num. 1, significat se ad Optatum re scribere post quinque ferme annos evolutos, ex quo in Orientem miserat librum non presumptionis, sed consultationis sue. Oi pido liber in Orientem missus, ipsissima est Epistola 166 Augustiniana ad Hieronymum per Orosium transmissa. Qui quidem Orosius paulo ante mensem julium anni 415 ex Africa in Palestina appulerat, utpote qui iisdem anno et mense Hierosolymis in disputationem adversus Pelagium descendit: proindeque sub initium anni laudati ex Africa cum solvisse necesse est.

Quo autem potissimum tempore Epistola prima ad Optatum, quæ inter editas 190 est, scripta fuerit, non ita liquido appetit. Dom. Dubois eam mensi circiter augusto anni 418 affigit, idque a veritate perquam alienum est: nam Augustinus eam scribere non potuit, nisi postquam Carthaginæ Cesaream advenisset; quod nonnisi mense septembri accidisse certum est. Imo vero hanc epistolam tantummodo post suum Cesarea recessum texuisse se Augustinus his verbis monet, *cum in supradicto oppido remoraremur*. Huc collimat tot et lanta negotia, quæ sanctus Doctor dum Cesarea versaretur, intra paucos dies tractavit ac confecit; queque ipsi impedimento erant, quominus adjiceret animum ad scribendas litteras nullo pacto urgentes, neque ad se pertinentes. Quin etiam veri aliquid simile est Augustino, dum Cesarea Hippone rediret, eamdem epistolam parare non licuisse quia, ut ipsam testatur, per quas totas terras intentionem ejus hic atque illuc, quæ ingerebantur sensibus diversa raptarent. His adducti rationibus Epistola primam ad Optatum, quæ inter Augustinianas 190 est, ante mensim novembrem anni 418 scribi non potuisse; imo vero eam, cum doctorum venia, post Epistolas 191, 192 et 193 rejiciendam esse existimamus: siquidem hisce tribus postremis epistolis respondere Augustini plurimum intererat; ac idcirco etiamnum fonsnotioris sunt plenæ. Epistolam vero 190 non aliqua necessitas, sed amicorum gratia extortis; proindeque ad tempus opportunitum et vacuum eam transferro consentaneum est.

Rursus ex Augustini Epistola 190 mox laudata, c. 7, num. 20, quin etiam ex ejusdem sancti Presulis Epistola 166, c. 4, n. 8, exploratum habemus, Marcellinum ab Hieronymo sciscitatum fuisse, quid de animarum origine sentire oporteret, post acceptam ea de quaestione D. Augustini responsem. Porro ex Augustini Epistola 143 certissime constat, ad Marcellinum hanc ipsam Augustini responsem non pervenisse, nisi anno duntaxat 412, adeoque Marcellinum eodem tantum anno Hieronymo scribere potuisse; ac proinde Marcellino non fuisse responsum abs Hieronymo, nisi anno ad summum 413. Praeter jus veritatis ergo, mea quidem sententia, Hieronymi ad Marcellinum responsio quæ ejusdem Epistola 78, apud Augustinum vero 165 a Cll. cum Ilicronymianis, tum

Augustinianis Editioribus, non a Dom. Dubois anno 410 affigitur. Ad veritatem proprius quidem, non tamen proxime, accedit eruditissimus Tilmontius, qui eam anno 412 vel 412 consignat.

Quis autem fuerit Optatus ille episcopus, ad quem Augustinus epistolas istas direxerit, plane incomptum est. Certe liquet eum non fuisse celebrem illum Optatum Milevanum, qui scriptis suis Donatistas confudit, quantumvis id codex Gottwicensis luculententer referat: e vivis enim dudum Optatus ille Milevanus excesserat, atque jam anno 396 beatissimus Severus de condiscipulatu Augustini Milevanæ Ecclesiae praeerat, ipsique usque ad annum 426 praesul, ut patet ex Epistolis 31 et 213 sanctissimi nostri Presulis.

Ex his liquido constat doctissimos viros Dom. Ludovicum Ellies Dupin in notis ad cap. 215 diei primæ Collationis Carthaginensis, non a Dom. Theodoricum Ruinart, Hist. Persecut. Vandal. pag. 297, falso asserere Severum Milevanum episcopum paulo ante laudatam Collationem e vivis excessisse; cum Gestæ ejusdem Collationis disertis verbis referant, illum diu ante Collationem observasse, atque expectasse; sed tunc ob infirmitatem agitudinemque donum discessisse, non vero decessisse. Certe spectatissimi operum divi Augustini Editores nostram sententiam propugnant. Praefat. tom. 2 in ordine chronologico Epistolarum 109 et 110 Imo eruditus Ruinartus loco citato secum ipse pugnat: laudat enim synodus Milevanam anno 416 habitam, cui Severus interfuit, ut liquet ex Epistolis inter Augustinianas 175, 176, 181; at isthac synodus quarto a Collatione Carthaginensi anno duntaxat acta est.

Conjicit Baluzius, ὁ παπάς της, in notis ad Collationem Carthaginensem, Optatum quem querimus, eum case qui eidem Collationi Carthaginensi adfuit, quique in Gestis diei primæ episcopus plebi Vesceritanae dicitur. Verum plebs Vesceritana in Numidia erat; contra vero plebem, quam regebat Optatus noster, alteram et tribus Mauritanis incoluisse verba ejusdem Optati hisce Augustini epistolis interjecta insertaque demonstrant.

Si fides est domino Dubois, Optatus erat episcopus Tubulensis, is a quo Augustinus Epistola 185 jubet comitem Bonifacium breviculum Collationis accipere. Sed auctor sententiam suam nullis argumentis fulcit, nec unde eam hauserit indicat. Nil mirum; falsam esse ipsa Augustini epistola evidenter adstruit: nam Optatus ille de quo ibidem agitur, anno 411 Collationi Carthaginensi, et anno 412 concilio Zertensi interfuit; proindeque jam a plurimis annis dignitatem episcopalem obtinebat, cum epistole Augustini ad Optatum conscriptæ sunt. Optatus vero, qui nobis negotium facessit, ex Epist. 202 bis, n. 7, se ipse novellum rudemque doctorem venditat. Insuper Augustinus in Epist. 185 monet Bonifacium, ut accipiat de Ecclesia Sitisensi breviculum Collationis, si Optatus non habet; proindeque innuit Optatum de quo loquitur, in Numidia vitam degere solitum esse, cum potius in Mauritania inquire eum debere probatum sit.

In amicis cuiusdam doctissimi animo suspicio insidet, Optatum nostrum fuisse quidem Milevanum episcopum, sed secundum nomine, magni Optati Mileviti successorem: sive standum esse iudicio Gottwicensis librarii, qui disertis verbis Optatum episcopum Milevanum appellat. Verum isthac suspicio ex dictis ruit; per totos enim Augustini episcopatus annos, nullus Severo excepto Milevanam sedem occupavit. Adde quod Severus iste, Augustino semper conjunctissimus, doctrinae atque amicitia sancti Presulis constanter adhæsit (*a*): e contrario Optatus quādiu potuit, eam qua bene, qua male impugnavit.

Accedit quod plebs subjecta Optato quem nosse cūpimus, intra Mauritanie, non vero Numidiæ, finis inclusa erat. Mauritanie autem illa non erat Cæsarion-

(a) Vide August., Epist. 71, u. 1.

sis : aliquoquin Optatus concilio quod Cæsareæ habebatur , cum ipsius scripta in eam urbem allata sunt , adfuisse ; ac quod ab Episcopis Cæsariensibus per litteras petebat , a concilii Patribus ipse coram commodiis postulasset .

Nec Mauritania illa Sitifensis erat : nullum enim hujusce provincie episcopum Pelagianorum condemnatio latere poterat ; omnesq; Mauritaniae Sitifensis sacerdotes , utpote Numidae , Augustino Numida duce , ad profligandos hereticos conspirabant . Optatus vero , ex Augustini Epistola 190 , n. 22 , res tanti mo-

menti ignorabat , aut ignorare poterat .

Superest igitur , ut Optati dioecesis in Mauritania Tingitana sita esse debuerit , adeoque in extrema illa Africæ parte , quæ ab Hispania fretu Gaditano disjuncta est , quæque populis duntaxat barbaris incolebatur : quod optimè quadrat cum querimonia in Epist. 29 bis , num. 7 , deplorata , de rustica et minus instructa clericorum turba , quæ Optato molestias generaverat in his rebus , in quibus a doctis sacerdotibus fuerat instituta .

SYLLABUS CODICUM

AD QUOS RECOGNITÆ SUNT SANCTI AUGUSTINI EPISTOLÆ.

MANUSCRIPTI CODICES

Cum nota singulis hic deinceps designandis indita.

- a. Codices bibliothecæ monasterii S. Albini Andegavensis.
- aa. Monasterii S. Arnulfi Metensis.
- a. RR. PP. Augustinianorum majoris conventus Parisiensis.
- b. Beccensis canobii.
- pl. Belgici codices , seu variantes lectiones ex illis Lovaniensium Theologorum cura decerpctæ.
- ba. Ex bibliotheca monasterii S. Benigni Divionensis.
- bt. S. Bertini in Belgio codex perantiquus , unde eruta est cxcm ad Mercatorem Epistola , quæ nunc primum prodit.
- bg. MSS. domini Bigot, Rotomagensis.
- c. Cenobii Casalis Benedicti.
- cc. Cisterciensis Abbatiae.
- cs. Codex vetus RR. PP. Cisterciensium S. Crucis in Jerusalem in Urbe , ex quo hic primum editur xxix ad Alypium Epistola.
- cl. MSS. Bibliothecæ Colbertinae.
- cb. Corbeiensis monasterii codices , plerique ante annos 800 aut 900 scripti.
- ct. Cenobii de Cultura apud Cenomanos.
- e. Excerptorum Eugypti codices duo MSS. Germanensis et Corbeiensis.
- f. Floriacensis bibliothecæ MSS.
- fl. Codex Corbeiensis ante annos circiter 500 scriptus , qui Flori seu Bedæ vulgati collectionem in Epistolas Apostoli complectitur.
- fs. MSS. Bibliothecæ S. Mauri Fossatensis.
- ff. Collégii Fuxensis apud Tolosates.
- g. Gemmicensis monasterii.
- gg. S. Germani a pratis codices optimæ notæ.
- gv. Collégii Gervasiani apud Parisios codex amplius et elegans.

- j. Ex bibliotheca domini Joly, præc. eccl. Paris.

- l. Laudunensis ecclesiæ codices antiquissimi.

- mr. Domini Maran, archid. eccl. Tolosæ.

- m. Monasterii S. Michaelis in periculo maris.

- n. Navarrici Gymnasii Parisiensis membrancum exemplar amplissimum.

- p. Codex corticeus , qui olim Karbonensis ecclesiæ fuit , nunc est illustris familiae Philharconensis : quo ex codice prodeunt xlii et xlvi , duæ per breves ad Paulinum Epistolæ , antehac ineditæ .

- r. Regie bibliothecæ MSS.

- rm. Remensis ecclesiæ.

- s. Ecclesiæ Sylvanectensis.

- sb. Sorbonici collegii.

- t. Bibliothecæ Tellerianæ.

- u. Theodericensis monasterii.

- th. Thuanæ bibliothecæ.

- v. Vaticani codices , quorum nobiscum communicatæ sunt variantes lectiones , collectæ olim per selectos viros , qui post editionem a Lovaniensibus adornatam , castigandis denuo S. Augustini operibus Clementis VIII auctoritate incumbebant .

- vv. Bibliothecæ S. Vedasti Atrébatensis.

- v. S. Victoris Parisiensis.

- vd. Vindocinensis Abbatiae.

EDITIONES CODICIS.

- Am. Liber Epistolarum S. Augustini an. 1493 excusus opera Joannis de Amerbach civis Basileensis.

- Bad. Editus per Jodocum Badium Ascensionum , Parisiis , an. 1515.

- Er. Desiderii Erasmi cura recensitus , impressisque Frobenianis typis Basileæ , an. 1528.

- Lov. Ad Lovaniensium Theologorum recensionem excusus typis Plantinianis Antuerpiæ , an. 1576.

Comparavimus præterea eas omnes editiones initio Retractationum tom. 1 , memoratas . M.